

趙恭毅公自治官書類集

趙恭毅公自治官書卷之二目次

長沙何祖柱蒐輯

奏疏

題報撫苗事竣回署疏

請將倉穀多借疏

題參本標左營守備王定劣蹟疏

題田潤珍誤傷鄭接齡致死招罪疏

題湘鄉縣百歲老人王嗣芳請給建坊銀兩疏

題恭奉 御書赴衡疏

回奏各官善廉止許取耗一分摺

議覆地丁漕項疏

題賀義兒毆總麻親之奴婢向德隆致死招罪疏

題張自楷砍死伊妻李氏招罪疏

題秦仕儒毆死秦五雲招罪疏

題石承堯謀殺黃天相招罪疏

題恭寧鄉曹令慙空積穀疏

題謝雲日毆死許老艮招罪疏

題估修南嶽疏

題叅安化縣魯令貪劣疏

題湯奇謀殺胡君盛得財招罪疏

題僧源圭謀死師命招罪疏

題叅長沙府姜守隱匿寧鄉縣虧空倉穀疏

題李克先教唆黃嘉大捏告打死男命招罪疏

代董臬司謝陞廣東布政使疏

題各營領結歸督院造送疏

題陽大昌誣告陽大業慘斃陽聖四一案招擬疏

題九谿協叅輩千總謝載祚等私放橫船情罪疏

題叅岳州衛徐備疏

題張相明殺死女壻吳從相招罪疏

題萬祥雲毆死陳起南招罪疏

題盜犯鄧仕標招罪疏

題善化縣故縱柳七等行兇疏

題湘潭署令楊某貪劣疏

補行四十二年大計卓異疏

題苗邊完例九款疏

題平定朔漠碑成疏

趙恭毅公自治官書類集卷之二

長沙何祖柱菟軒

奏疏

題報撫苗事竣回署疏

四十三年正月

爲恭報微臣回署日期仰祈

睿鑒事竊照紅苗梗化奉

旨特遣

欽差尙書臣席爾達等前往招撫併帶臣同去臣非部

咨於康熙四十二年十二月二十五日起程業經

題報在案我

皇上好生之德不啻同天

聖武之威無遠弗照

欽差尚書臣席 等一至鎮筵宣布

皇仁蠶苗感

恩同化乞命就撫共有三百餘衆其冥頑無知倚恃深

山密箐遷延抗撫者

欽差尚書臣席 仰奉

廟謨調遣滿漢官兵分路進剿各將弁兵卒踴躍効力

深入搜捕掃除巢穴從來未靖之伏莽一旦消魂從來
未建之奇勲一朝奏凱皆賴我

皇上愛育黎民以一夫不獲爲念命將遣師招徠懾服
故蝥苗授首革心邊隅永亨昇平之福除勦撫情形尚
書席某等已經會疏馳 奏外臣於康熙四十三年正
月十二日自鎮筸起程本月二十八日回至長沙所有
微臣回署日期理合具疏 題報再前准吏部咨一應
命盜案件俱於回署之日照例扣限完結現在遵照外
相應一併陳明臣謹具

題伏乞

皇上睿鑒施行

請將倉穀多借疏 四十三年二月

爲小民粒食維艱泣請早借倉穀事看得湖南各屬積
貯倉穀例於每年青黃不接之時將一半借給窮民一
半存倉俟賑遵行已久茲據布政使施世綸詳據桂陽
等州縣詳稱去歲秋穫不登米價騰貴目今東作方興
窮民乏食懇將倉穀早爲借給并懇於借給之外酌量
多借緣由該司以多借之處不便先行請照往例借給
一半餘存一半加謹收貯等因具詳請示前來隨經批
令通飭各屬一體照例借給以紓艱食如有蠶棍冒領

及該州縣虧空藉端開銷者察出定行叅究等因批飭
遵照在案臣查湖南之民全賴耕種爲業上年自夏徂
秋旱魃爲災業將安仁等六縣先後具疏題報已沐
皇恩蠲賑其餘各州縣雖未成災而秋收甚歉民鮮益
藏以致今歲穀價高騰在在遇糴不惟貧窮者日食無
措卽有銀者亦無穀可買但各屬捐積穀石原蒙

皇上軫恤民依積貯以備荒歉今湖南倉穀照例借給
一半外其存倉之穀亦係備賑之項臣請各屬存倉一
半穀石行令藩司轉飭該州縣確查真正饑民量爲多

借務使乏食小民得沾恩惠仍嚴飭不許豪強富戶假捏多領俟秋收時著令一併照數還倉俾窮民不致失所而農事得免廢弛則湖南數百萬窮民均沐

皇上再造之恩於無既矣謹會題請

旨

題叅本標左營守備王定劣蹟疏 四十三年二月

爲特叅不法守備以肅行伍事竊惟營弁之設必須恪遵法紀而後可以約束兵卒預備干城臣於標營遊守千把等員諄諄告誡勉其殫心供職以無負

皇上叅養隆恩乃有左營中軍守備王定者賦性貪戾罔知法紀上年調委領兵前赴鎮筵縱丁私奪民艇自駕往回至今無泊本城河下既無船戶亦無埠頭明係搶奪現有內丁廖起鳳朱太可審該弁又攬造官兵冊捏開外委把總朱錦張祿趙聖吳起龍陳未等名既無

奉委衙門亦無所委牌票實係假捏現在鎮守鎮總兵
雷如達兵部冊可查兵丁朱錦等可審此一弁者違禁
而擾民廂貌法而捏外委恣意橫行目無功令難以
姑容據臣標中軍左營遊擊林琦奉批查報前來所當
據實糾奏請

旨革職併內丁等提問究擬以彰軍政者也再查右哨
千總張理聽從王定造入未經外委之把總而右營遊
擊胡璉不行詳查據以轉報均難辭咎相應一併附奏
聽候部議臣謹具題伏乞

皇上睿鑒施行

題田渭珍誤傷鄭接齡致死招罪疏 四十三年三

月

爲稟報事該臣看得田渭珍之誤傷鄭接齡致死一案素無嫌怨緣渭珍曾以紅氈一條質於無服族叔田爾能處借銀二錢康熙四十二年八月十六日渭珍往爾能家借氈應用時值爾能他出渭珍遂將原氈私自攜歸爾能覺而追趕至水廟前渭珍先已登坎爾能於坎下拾石擊傷渭珍之腿渭珍乃拾石還擊適鄭接齡年幼嬉遊亦至坎下不期渭珍還擊之石誤中接齡致

命髮際登時仆地磕傷右眉叢及右眼下有接齡堂弟
鄭春祥及田用如在场目擊春祥報知伊叔鄭璋抱負
歸家醫治不痊於是日酉時畢命歷審供認不諱田潤
珍合依開毆而誤殺傷人者以開殺論死者絞律應擬
絞監候秋後處決田爾能雖未同毆但先以石擊潤珍
起毆之人應俟飭緝獲日另結臣謹具

題伏乞

皇上睿鑒施行

題湘鄉縣百歲老人王嗣芳請給建坊銀兩疏 四

十三年三月

爲欽奉

恩詔事該臣看得軍民年至百歲題明給與建坊銀兩
誠我

皇上獎恤老人之盛典也臣准部咨隨檄藩閩二司
通飭查報去後嗣據布政司詳報長沙府屬之湘鄉縣
生員王嗣芳年登一百零一歲取具戶鄰并結并該府
縣印結到臣臣查康熙二十七年

欽恤老人冊內並無嗣芳之名恐有欺捏冒銷之弊就
經批駁該司確查詳報茲據布政使施世綸詳稱上屆
欽奉

恩詔之時前令止將在城老人姓名造報因嗣芳居鄉
未經舉報故未造入等因詳請題達前來臣查湘鄉
縣生員王嗣芳青年入津隨首窮經迄今年登百一品
行無玷洵爲

聖世人瑞士中楷模所當據詳題請給與建坊銀兩
以旌

皇仁者也除將冊結送部外臣謹會

題伏乞

皇上府鑒勅部議覆施行

禮部議 應如該撫所請俟

命下之日行令該撫轉行地方官照例給銀三十兩聽

本家自立牌坊其 旌揚字樣交與內閣撰擬可也

奉

旨依議

題恭奉 御書赴衡疏 四十三年三月

爲謹報微臣恭奉

御書赴衡回署日期仰祈

睿鑒事竊惟臣前赴衡山恭送

御書維時積霖頓霽雲開紫蓋之峰佳氣騰霄日照英
蓉之嶺老稚爭稱其顯異信百神之效靈臣民相率而
歡呼洵普天之同慶伏覩

龍文璀璨錫名山未有之珍

鳳藻輝煌啓南服無疆之瑞從此朝日峰望日臺日日

長依

聖簡千年松萬年竹年年永護

天章臣一介書生躬逢

盛典不勝踴躍歡忭之至

回奏各官養廉止許取耗一分摺
四十二年四月
爲欽奉

上諭事恭惟我

皇上躬居

九重慮周四海宵旰勤勞無刻不以吏治民生爲念伏
讀

上諭欲厚民生必除加耗欲清吏治必養官廉計直省
各州縣額徵地丁銀三千萬兩今於十分內定額九分
爲正供之數用支內外經費所有一分除抵克官俸役

食外其餘則自督撫以下州縣官以上均勻給爲各官
膳費之資此外加收火耗嚴行禁止再有違者定治以
重罪等因欽此此誠愛養官民之德意恩至厚而
澤至溥也復經九卿會議將直省錢糧通籌十分扣一
銀共三百萬兩零內除支給俸工銀二百萬兩零下剩
銀一百萬兩零均勻派給各省督撫以下州縣以上官
員其火耗永行禁止等因奉

旨這事關係甚大依此行去可否通行是否有便於民
及徵收火耗私派等項能否永行禁止之處應密令直

緣各省督撫各出已見作速具奏勿得會商欽此臣思
火耗一項原非州縣所應取但槩行禁止則各官日用
交際之需必不能免且恐貪官別行不肖更有害於民
臣欽遵

諭旨力減加耗盡革私徵蒞任以來宣布

恩綸嚴行戒飭革所應革減所當減雖地方遼濶耳目
難周不敢遽謂弊絕風清然去其太甚吏治亦已稍變
民困亦已稍甦且訪聞湖南民間疾苦總在私派橫徵
上司派之下屬下屬派之里民征求無藝苦累不支若

止收耗一分民情亦無不願不至重累小民今湖南七
府六十五州縣百姓感荷

皇仁華除私派家家戶戶頂祝無疆又何敢以發官之
費過損正供之錢糧也況各官賢愚不等現許徵收一
分尚恐有浮收一分之外漸肆其私派之術臣不時廉
訪得實卽行糾叅今再給銀若干兩誠恐利慾薰心不
肖官員巧借傾銷起解名色暗收火耗亦未可定是既
有損於國仍無益於民而徵收火耗私派等項亦未
能因此而遂必其禁止也臣就湖南言之惟有恪遵

上諭實心奉行則官得登臆之資民無科歛之苦而吏
治民生均有攸賴矣臣才庸識陋謬陳管見伏候
聖裁緣係遵

有密奏事理臣謹具摺 奏聞伏乞

皇上睿鑒施行

議覆地丁漕項疏 四十三年四月

爲

聖治已極隆平等事該臣看得浙江道御史王瑞條奏江浙徵收漕項錢糧併稅契兩糧給兵等款先准部覆各移到臣臣隨檄行布政司會同驛糧道遵照查議去後茲據該司道會詳內稱御史王瑞條奏漕項混徵一款部覆嗣後於串票內註明地丁漕項數目分別徵收如有朦混徵比指名題參等因行據各該府州詳覆漕項錢糧爲數無幾同與地丁合數按畝科徵分款

起解若必另串徵收則小民分厘銀數分等稱納反爲
滋累議於開徵之時出示曉諭凡完納錢糧串票內註
明地丁漕項數目庶徵比不致混淆又南漕給兵一款
覆查湖南南秋二糧無論營汛同城州縣與不同城州
縣隨到隨給並無貽誤防守兵民兩便已非一日又稅
契銀兩一款湖南俱係司發契尾號簿令各州縣儘徵
儘解原無定額並無按圖私派之處等因會詳呈覆前
來臣查湖南各屬有漕州縣與無漕州縣漕項錢糧按
地丁銀兩計之爲數均屬無幾若另徵給串則小民零

星分納不無滋累莫若於串票內註明完納地丁消項
數目庶徵比不致混淆而小民亦無分厘零星完納之
苦又查各屬南糧歷係各營汛附近關支兵民久已相
安仍撥附近州縣兵丁自領不惟無悞於防守而且有
益於民間至徵收稅契銀兩歷係藩司給簿聽民投納
並無按圖私派之事毋庸查議臣謹會

題伏乞

皇上睿鑒勅部議覆施行

戶部議 查偏撫趙申喬將臺臣王琚條奏各款會

題前來一疏稱清項無幾莫若於串票註明地丁清
項數目應如該撫所題一疏稱湖南田房稅銀歷係
司給契尾號簿徵解並無按圖私派等情應將此款無
庸議一疏稱南糧歷係各營汛附近關支兵民相安
應如該撫等所題奉

旨依議

題賀義兒毆總麻親之奴婢向德隆至死招罪疏

四十三年四月

爲打死人命事該臣看得賀義兒之毆死向德隆也素
無嫌怨緣德隆之主向德位與義兒田畝相連其堪放
水蔭禾某年月日應輪得位放蔭不意義兒家將堪水
阻截奪確德隆往彼趕馬牧草見水斷截遂將賀姓所
置確屋拆毀適義兒經過其地見確屋被拆隨向德隆
詢其拆毀之故卽以詈語與責德隆回言不遜義兒遂
奪德隆趕馬木棍擊其不致命左額德隆以頭相撞義

兒復用棍擊其致命偏左并右太陽當經楊廣奇勸散
德隆受傷流血乘馬而歸義兒復將德隆所遺之馬喊
令族姪賀整兒相羣牽回意圖賠償確屋次日得位向
義兒之父賀邦璽理論邦璽即將馬給還不料德隆醫
治不痊於七月初六日因傷殞命歷審本犯直認不諱
查賀義兒與向得位係兩姨兄弟服制總麻賀義兒合
依毆內外親之奴婢至死者律杖一百徒三年賀整兒
事後同行牽馬應照不應重律杖八十茲據按察使董
廷恩招解前來臣覆審無異理合具題伏乞

皇上睿鑒施行

奉

旨知道了

題張自楷砍死伊妻李氏招罪疏 四十三年四月

爲報明事該臣看得張自楷之砍死伊妻李氏也緣自
楷籍屬漢陽寄寓安化因窮難度日於某月內將身同
妻子賈與生員盛有兼爲僕自楷不甘人役意欲措銀
贖身遂潛行逃出因無處設措復自投回自楷酒後商
謀伊妻李氏欲其同逃李氏以子幼難行又恐被主追
獲反爲受累出語傷夫自楷忿怒持斧砍傷李氏咽喉
并右喉左顙頰三處登時殞命歷審該犯自認不諱張
自楷合依夫毆妻至死故殺亦絞律應擬絞監候秋後

處決茲據按察使董廷恩招解前來臣覆查無異理合
具題伏乞

皇上睿鑒施行

題秦仕儒毆死秦五雲招罪疏 四十三年四月

爲奏填兄命事該臣看得秦仕儒與被毆身死秦五雲
係總麻服姪而秦汝佩則係五雲小功服弟素無仇隙
祇緣五雲堂伯秦簡臣有田十八畝內有祖山與五雲
公共之業簡臣病篤其妻賀氏欲賣此田以作衣棺之
費自應與聞五雲乃汝佩竟買其田及五雲之弟秦輯
五知覺控縣斷令贖回輯五脩價貯庫汝佩抗不赴領
時值秋成輯五又恐汝佩恃強叔租稟縣面諭佃宗玉將
租貯倉詎汝佩仕儒於某日糾約曹子納等同至宗玉

之家挑穀宗玉以縣諭貯倉執不敢與汝佩遂書領付
照宗玉發穀七石汝佩等挑穀先行路經五雲門首彼
此爭鬭曹子納等飲後復至群相助毆汝佩打傷五雲
左額仕儒打傷顙門越十日殞命歷審各犯僉供不諱
卽殞之屍親供吐如一是一是五雲之死死於仕儒所毆顙
門一傷其曹子納等雖經共毆然顙門之外別無致命
傷痕曹子納等共毆情真衆証明白似可不必停囚待
對合依餘人律杖一百折責保釋曠盼審不在場相應
省釋其田仍歸輯五管業據該司招解前來臣覆審無

異但秦汝佩秦仕儒等既逃於未告之先該縣自應嚴
緝獲審乃今六個月之例限已逾尚未弋獲審解衡山
縣知縣李長祚緝犯遲延合併附奏統聽部議臣謹具
題伏乞

皇上睿鑒勅下三法司核擬施行

奉

旨秦仕儒依擬應斬着監候秋後處決餘依議

題石承堯謀殺黃天相招罪疏

四十三年四月

爲報明事該臣看得石承堯等謀殺黃天相黃鄭生一案緣石大禮係承堯之父撫子承堯欺其貧懦素不以兄相待而撫孫石春生亦不以伯祖相看於某年春生曾姦大禮之妻黃氏又欲污辱其女雪梅不從叫喊衣服扯碎數日之間欺凌至此以致大禮始投戶老繼投通族處銀賠禮承堯吝不全給致大禮羞忿愈熾復投妻黨黃天相等比承堯恨其苛求預知黃姓必來尋釁邀集表姓黃婆生姪婿周公仔共商毆打以雪其忿是

日午後黃天相黃鄭生黃光仰黃中玳黃方大黃木生
六人群至承堯之家大肆辱詈打碎桌椅維時承堯見
勢難過雖經躲避然殺人之心從此舉矣於是賄囑婆
生公仔同往助殺比婆生公仔止許同行不敢動手迨
將晚適承堯妻舅艾選邦自縣回家進而借宿承堯即
安頓前房令其棲息行殺之事不使與聞於二更時分
春生隨喚石年開石新開黃婆生各執刀棍公仔執火打
門而入春生拾取地下鐵斧砍傷石大禮頂心顛門右
額又斧砍黃鄭生致命顛門偏左身死年開手持菜刀

砍傷黃天相致命左額不致命右腳後脛身死又砍傷
黃光仰髮際新開將黃中玖照頭一棍中玖推倒磚壘
後牆與黃方大黃木生走脫而黃光仰負痛亦於牆缺
內奔逃大禮之子石英清睡於後樓聞聲驚覺越牆而
走年開持刀公仔執火尾追黃中玖等趕至巷口哭遇
艾選邦驚起出視年開疑爲黃姓之人揮刀砍傷左額
行兇之後承堯劍寫報盜呈稿并銀一兩交給春生買
囑英清報盜天明承堯亦赴縣城英清次早歸家見父
被傷天相鄭生殺死正在猜疑適黃中玖來家告以春

生等殺死情形英清隨邀族兄石聲廷石英興同往縣具報行至中途聲廷等畏寒遠道祖居烤火而英清於沙坪卽遇春生付稿并銀囑其照報及至到縣承堯又以利害誘嚇致英清茫無定見執稿倩蔣必榮謄寫竟爾托詞歸家將報呈交與聲廷代遞當經縣驗黃中玖黃有相等各以人命具控該縣差拿收監詎禁卒李自通密得春生銀二兩刑書蔣大昌聽春生許銀四兩知情故縱脫逃屍親黃叔大等見春生潛逃卽有和息之意而承堯復賄囑刑書蔣大昌盜寫捕役石勝名姓捏

報春生溺死又求戶老石大成捏具溺死并結意圖易
於銷案隨倩石志生等議和出銀二百四十兩零分封
於黃學優等家止候事結分給屍親及該縣相驗春生
身死據報無屍可驗隨委常寧桂陽藍山三州縣會審
供認不諱石承堯合依謀殺人造意者斬律應擬斬監
候石年開合依謀殺人從而加功者絞律應擬絞監候
石新開黃夢生周公仔俱合依謀殺人從而不加功者
杖一百流三千里查石大禮係石承堯父之義子恩養
年久曾分有財產配有家室律載有犯即同子孫石春

生係承堯之撫孫十六以上不曾分有財產配有家室
律載有犯以僱工人論今石春生與黃氏通姦合依僱
工人姦家長期親之妻律擬獲日於人命案內從一歸
結黃氏減一等杖一百流三千里依姦人犯罪律決杖
一百餘罪收贖蔣大昌除受賄捏報春生溺死輕罪不
議外其聽春生許財雖未入已但已知禁卒受賄故縱
之情合依官典故縱者與囚同罪至死減等律杖一百
流三千里石大成捏具春生溺死并結審未得財石聲
廷聽誘代遞報呈俱合依不應重律杖八十石英清得

財報盜比照父母爲人所殺私和者杖一百徒三年其
有奇令依子孫被殺而父母私和律杖八十查該犯年
老應收贖所議養老銀兩尚未入已免其計贓科罪何
卜常等合依常人私和人命律杖六十覲臣審係生員
准其收贖但查石新開等所犯俱事在 赦前應否援
免聽候部議李自通以受財故縱與囚同罪全科律擬
但春生未獲未經質審應監候俟獲日質審另結餘審
無辜相應省釋茲據按察使董廷恩招解前來臣覆查
無異臣謹具 題伏乞

自治官書

卷二

奏議

石承堯摺罪

前

懷敘堂

皇上睿鑒勅下三法司核擬施行

奉

旨石承堯依擬應斬石年開依擬應絞着監候秋後處
決餘依議

題叅寧鄉曹令虧空積穀疏 四十三年四月

爲詳明倉庫虧空事該臣看得寧鄉縣告休知縣曹辰
容虧空倉穀一案先據署縣詳報到臣臣隨批行司道
查叅去後續據該司詳稱曹辰容將價銀混抵抗不買
補虧空之罪實所難追况從前之穀不知何去現在之
銀不知何來除是侵是那檄司究追外相應指叅至長
沙府知府姜立廣於署縣交盤詳報虧空之後始以盤
查詳叅該司轉報聽候部議臣謹具疏

題叅伏乞

自治官書

卷二

奏

奏曹令廟生

五

懷箕堂

皇上睿鑒施行

題謝雲日毆死許老晚招罪疏 四十三年六月

爲報明杜患免遭拖累事該臣看得謝雲日與毆死之
許老晚俱籍衡陽素無仇隙緣老晚客寓湘潭賣錢生
理雲日亦在湘潭寄住梁欽吾之家共妻張氏素爲欽
吾包姦康熙某年月日因雲日曾借老晚錢六百文老
晚索取彼此角口老晚卽扭毆雲日雲日還毆拳傷老
晚致命胸膛常有朱會生勸解老晚扭結不放雲日復
拳毆其致命左耳根始獲脫身閉戶入室老晚被毆不
甘遂檢磚塊打入屋內雲日亦拾磚拋出適中老晚不

致命左肩胛仆地朱會生扶送回寓次日寓主車阿陳
見老晚傷重仍免會生等片至雲日之家遂爾殞命歷
審本犯自認不諱謝雲日除縱姦輕罪不議外合依凡
鬪毆殺人者不問手足他物金刃並絞律應擬絞監候
秋後處決梁欽吾雖審不在場亦無主使之事惟係姦
雲日之妻張氏委係實情查犯姦雖在赦前而赦後
猶在包姦梁欽吾張氏俱合依縱容妻妾與人通姦律
姦夫姦婦各杖九十張氏離異歸宗欽吾遁解叩籍史
小叢捏稱欽吾患病又與溫富元妄述公呈應照不應

重律杖八十再照湘潭縣知縣章烜不審出包姦真情
捏叙屍親口供合併附叅長沙府知府姜立廣初審並
未究出欽吾包姦情節覆審已經訊明相應免議理合
具 題伏乞

皇上睿鑒勅下三法司核擬施行

題估修南獄疏 四 十三年七月

為鈔奉

上諭事該臣看得修建南獄一案前於康熙四十三年
二月十八日承多羅貝勒諭令臣等作何修理所需錢
糧查明料估具題臣隨就近率同司道親詣相度查照
舊制將廟宇門樓等處詳加料估共需銀三萬九千三
百六兩九錢零內有預估運腳等項如有餘存再建祝
聖茶菴至所需錢糧各官捐俸委令衡永郴道張仕可
衡州府知府孔興滋監督修造臣查南獄為

皇上主壽之山恢宏規制慶行無疆凡屬臣工無不鼓
舞歡忻臣等暨知縣以上各官各願捐俸修葺復准督
撫提鎮并學臣暨湖北司道府各官俱願捐恐後其勩
盛舉俾如升如恒既爭効無疆之頌而爲幃爲覆自允
協其戴之誠也所有料估數目暨各官願捐俸工修葺
緣由臣謹會 題伏乞

皇上俯鑒臣等犬馬之心各輸方寸願與溥海內外臣
民遙相仰祝

特賜俞允至於購買物料俟齊脩之日臣等另疏恭

所選擇興工吉期施行

題叅安化縣魯令貪劣疏

四十三年七月

爲特叅貪劣不法縣令仰祈

睿鑒以肅官方事竊臣一介鄙儒叨蒙

皇上高厚隆恩畀以湖南重任上年恭迎

聖駕荷

皇上軫念遠氓洞悉私徵重耗之累特頒

諭旨盡革私徵力減加耗如仍有藐法不遵重爲民害
者卽據實糾叅臣齋捧

綸音蒞任之日宣布

皇仁誥誠所屬嚴禁陋規盡絕私派量歛耗費足資養
廉一年以來諄諄訓飭不啻舌敝墨枯務期無腹削民
膏以仰副

聖主休養黎元至意乃有長沙府安化縣知縣魯某者
恣肆貪婪罔顧法紀穢蹟昭著民怨沸騰據司道府各
揭報前來合臣訪聞無異竊念身居表率不能化貪污
爲廉潔臣之罪也職任激揚若再違

功令而庇貪污臣罪滋甚所當特疏糾叅請

旨革職與有名各犯一併提問究辦以澄吏治而安民

生者也臣謹會 題伏乞

皇上睿鑒施行

題湯奇謀殺胡君盛得財招罪疏 四十三年七月

爲圖財慘殺哭寃詳填事該臣看得湯奇之謀殺胡君
盛也緣君盛原籍江西寄寓涇川燒窑爲業素與湯奇
往來相熟某年月日君盛自涇川至排山拜年先至譚
君選家款留午飯復往拜湯奇因時值薄暮止宿其家
而湯奇之父湯齋亦來奇家有孫湯奇併留父宿乃置
酒於廚房共飲湯齋年老性不飲酒設鋪於堂屋先睡
君盛酒後將隨帶銀兩燈下稱估以致湯奇見財起意
頓萌謀殺之心將酒勸醉安置於廚房就寢時至三更

君盛酒醉舛睡齋亦睡熟湯竒遂執廚房鉄斧砍傷君
盛喉嚨君盛被傷於醉夢之際力不能支喉响兩聲滾
轉身去復砍傷腦後髮際又用尖刀再砍喉嚨割斷頭
顱剥衣燒燬搜其所帶之銀一十二兩五錢潛至堂屋
喚醒伊父湯齋聞聲而起走進廚房見君盛頭已脫落
驚駭戰慄罵不絕口湯竒求父撻屍滅跡湯齋以情開
父子遂同湯竒細屍於梯衣裹其首扛至潭山河下投
棄水中地郊蕭長周見屍浮水面身首異處即報知牌
甲有湯仁美賣柴渌田報知自昭跟問於譚君選家始

知踪跡歷審自認不諱湯竒合依謀殺人因而得財者
同強盜論斬律應擬斬立決湯齋先不知情及喚醒搯
屍下河合依棄屍不失杖流減等律杖一百徒三年湯
竒所得之銀一十二兩五錢照追給主所焚衣服應於
家屬名下照數追賠餘審無干相應省釋茲據按察使
董 招解前來臣覆查無異理合具 題伏乞
皇上睿鑒勅下三法司核擬施行

題僧源圭謀死師命招罪疏 四十三年七月

爲報明事該臣看得僧源圭同李忠卿謀死伊師滄恩也緣源圭自幼爲僧係滄恩撫養長成繼因源圭懶惰滄恩待之甚刻不惟衣食不周又復時加撻罵源圭蓄怨於心匪朝伊夕康熙四十三年三月二十七日滄恩疑其竊殺恣意怒罵復嚇以打死之語以致源圭頓萌謀殺之心又慮獨力難行卽竊取伊師銀一兩於是日往邀平日相好之李忠卿挈助行兇忠卿未卽允從源圭許以酬銀三兩先付一兩忠卿應允乃商謀於二十

八日夜忠鄉往後門外源圭乘師睡熟潛開寺門引忠鄉入寺授之以斧同至滄恩臥室源圭先以料刀砍斷滄恩咽喉左邊忠鄉舉斧加功砍傷頭顱偏左立時殞命當有伊徒源益源芳聞响驚覺同起往視而滄恩已被砍死在床驚惶趨出被源圭忠鄉喝住不敢出外聲揚而源圭忠鄉卽裸屍於寺後掩埋復將血染衣被燒燬滅跡迨至四月初二日牌總張仲賢入寺尋問滄恩而源益微露其詞仲賢遂帶源益赴縣具報歷審各犯自認不諱源圭合依僧人化乘殺伊師父傳智卽處斬

例應擬斬立決李忠卿合依謀殺人從而加功者律應擬絞監候秋後處決源芳雖由源圭嚇制得既得出門砍柴不合不行首告應改照期親尊長被殺而卑幼私和者杖八十徒二年律應杖八十徒二年至配所折責三十板源益先因源圭防範後同牌總首告相應免議

臣謹具 題伏乞

皇上睿鑒勅下三法司核擬施行

奉

旨源圭着卽處斬李忠卿依擬應絞着臨候秋後處決

自治官書

卷二

奏疏

僧源

圭招罪

圭

懷策堂

餘依議

題叅長沙府姜守隱世寧鄉縣虧空倉穀疏 四十

三年八月

爲詳明倉庫虧空事該臣看得寧鄉縣告休知縣曹辰
容虧空倉穀一案隨批布政司嚴查詳叅去後於四月
初八日始據調任布政使施世綸轉據長沙府知府姜
立廣詳稱曹辰容任內虧空倉穀並無在倉明係虧空
等因臣隨開明署縣事鍾靈秀初詳及調任布政使施
世綸續詳併長沙府知府姜立廣於署縣交盤詳報虧
空之後始以盤查詳叅該司轉報聽候部議具疏題叅

奉

旨令臣查明知府姜立廣徇情等弊具題臣查州縣
虧空錢糧例應知府立行申報藩司巡撫今查展容虧
空倉穀知府姜立廣從前隱匿不報直至署縣鍾靈秀
詳報虧空之後又遲四十餘日始詳司轉報若非鍾靈
秀據實詳報於前此虧空之倉穀終無發覺完補之日
將倉廩盡屬空虛而水旱何從賑貸則知府姜立廣違
例匿不舉報之咎誠所難辭臣謹遵

旨具題伏乞

題李克先教唆黃嘉大捏告打死男命招罪疏四

十三年八月

爲打死男命事該臣看得李克生教唆黃嘉大捏告黃
大龍打死黃引弟一案緣大龍與引弟同宗無服素無
仇怨引弟原欠大龍息穀五斗引弟負穀還家適大龍
荷鋤挖蔗遇於地名橋頭大龍索取前欠引弟不與互
相詬詈大龍欲以鋤柄向擊詎引弟亦奪其鋤彼此揪
扭不放大龍盡力一扯不意鋤柄尖梢掠及引弟左肋
引弟亦了覺痛大龍遂以鋤頭擊其左膀隨有族隣黃

啟先等勸解而散自格鬪之後引弟割禾砍柴并遠涉
桂陽挑米傷已漸次平復時因彼地瘟疫流行引弟之
妹與母相繼而病引弟亦沾染疫病嘉大見其病篤乃
聽信外甥李克生教唆至大龍之家故爲炒鬧預伏告
狀之基迨引弟病故克生即唆嘉大捏以七月二十四
日相打之期改爲八月十六相嚷之日主使黃顯朋赴
縣抱告戶首黃君聘以人命非真聞信勸阻同顯朋投
遞關詞而克生復教唆嘉大遞詞請驗經該州縣審明
招解赴長舟泊衡陽縣泥灣地方嘉大追悔淫誣又乏

路費情急無聊投於樹林自縊已經查驗情真並無別
故歷審各犯供認不諱查黃嘉大誣告涉虛合依誣告
人以死未決者律杖一百流三千里於配所加徒役三年
已經自縊身死應毋庸議李克生教唆情真合依教唆
詞訟與犯人同罪律杖一百流三千里於配所加徒役
三年黃大龍以利穀聞毆黃顯朋聽從抱告合依不應
重律杖八十折責三十板解役李蘭雖無逼勒凌虐情
弊然失於檢點以致嘉大自盡比照獄卒律各杖六十
折責二十板革役理合具題伏乞

皇上睿鑒勅下三法司核擬施行

奉

旨知道了內巡撫趙申喬疏稱黃引弟染疫病故等語
凡各省有水旱災疫之處該督撫有卽行奏聞之例
湖南地方曾有瘟疫趙申喬不行奏聞合速察明具
奏

代董臬司謝陞廣東布政使疏 四十三年八月

爲額請代 題恭謝

天恩事據湖南按察使董廷恩呈詳竊職一介庸愚
欣逢

盛世由庠生於康熙十六年內初授直隸順天府薊州
知州歷任五載陞授戶部員外郎轉刑部郎中外補分
巡其山道僉事甫經二載陞授湖南衡永郴道叅議在
任十年涓埃無補祿食虛糜乃於康熙三十七年八月
內因隔屬茶陵州叛犯陳 等突犯衡城職率領同

城文武各官竭力守禦七晝夜賴我

皇上天威赫濯小醜殄滅惟以所屬外邑兵革失禦之
故於康熙三十八年內奉部議革職例所當然乃蒙
皇上矜全復職仍畱原任

聖恩浩蕩固已粉身碎骨報効難盡復於康熙四十年
十一月內仰蒙

皇上越次超擢特陞湖南按察使

殊恩特典今古罕逢感極涕零銘篆刻骨但自顧不忠
極陋惟恐奉職無狀有負

聖主興敷隆恩抵任未及三載正切夙夜兢兢懼滋墮
越今奉本都院准吏部咨開奉

旨董廷恩陞補廣東布政使職卽恭設香案望

闕叩頭恭謝

天恩訖伏念職何人斯屢蒙

恩綸拔擢有加無已況粵東遐海重地通省錢糧鉅任
寵畀過分負荷難勝聞

命自天感激無地竊思職父子世受國恩職以例議
廢棄之身仰沐

皇上曲加使過之弘仁

特賜復職又於三年之內兩荷 特授頂戴

皇恩愈厚則仰報

皇恩愈難惟有益加砥礪勉修職業竭盡犬馬愚忠圖
報

聖主高厚隆恩於萬一耳惟是沐 恩深重寸心拳切
下悃微忱未能自達伏懇俯賜代 題伴犬馬感激之
私得以上達

唐鑑等因到臣該臣看得湖南按察使董廷恩奉

肯陞補廣東布政使茲據該司詳稱屢蒙

皇恩拔擢感激無地惟是沐 恩深重寸心拳切下悃微忱

未能自達詳請代 題前來相應據詳代 題伏乞

皇上睿鑒施行

題各營領結歸督院造送疏 四十三年八月

爲請

旨事該臣看得制營俸餉領結例應督撫提衙門按季
咨送查臣衙門應送湖南各制營康熙四十二年冬季
分領結正在查催咨送間適准督臣喻成龍咨稱嗣後
各營領結俱於總督衙門聯銜造送以省繁牘之繁已
經咨明部科移會到臣臣隨以統歸總督造送緣由咨
明戶兵二部并戶科在案臣思可否先行應俟部覆至
日另咨移送嗣准督臣喻成龍咨開准兵部覆稱事關

錢糧不便停其造送等因臣隨將前項領結分送戶部
戶科兵部兵科在案今准戶部咨稱冬季領結因何遲
至四十三年五月內始行造賣明係遲延行令將遲延
各官題叅到日再議臣查此案實因督臣咨查未准部
示迨接准督臣移准部覆有不便停其造送之咨旋於
交到八日之內照例咨送原係咨明在先並非無故遲
延至於部查楚省督撫提俱係限內咨送者蓋恐部覆
未允故於限內咨送臣於限內咨明者蓋以督臣既經
咨部故候部覆咨送不然臣蒞任以來節次領結並未

稍遲何獨於此而不遵定限也且此非各官遲延之咎
如有處分應專在臣伏懇

聖慈俯鑒限內咨明與未釋咨明逾限者不同邀

恩寬免則頂戴

皇仁於無既矣抑臣更有請者官兵俸餉領結部例督
撫提衙門俱應按季分送在各營每季則有造送戶部
戶科兵部兵科各領結合計湖北南各標鎮協營一成
之內其領結以及彙冊將及盈千累萬不惟紙張書寫
之繁難而驛站不無傳遞之擾兵丁不無奔走之勞且

營員心紅有限竊恐或有借名派費豈不重負我

皇上軫恤軍伍之至意也哉臣愚以各營造齊領結寔
無異同而兵馬錢糧實支數目皆由督臣核發其撫提
衙門不過照依據轉但既有督臣咨送領結即可查核
奏冊原無藉於撫提之重迭而撫提所送實屬可省誠
省一衙門之領結卽省一營員之煩費似應仍如督臣
所請嗣後各營領結統歸督臣撫提聯銜造送解營伍
不致糜無益之費而苦驛窮兵得免傳遞奔走之勞則
感沐

皇恩遐邇實爲永賴臣謹具 頌伏乞

皇上睿鑒施行

題陽大昌誣告陽大業慘斃陽聖四一案招擬疏

十三年九月

爲慘斃男命頒檢討填事該臣看得陽阿蔣誣告陽大業等慘斃陽聖四一案緣已故陽大遠與阿蔣之男陽大昌等原屬嫡堂兄弟與陽大業亦係同族昆弟大遠遺妻李氏孀居撫孤而大業之僕陽進往來効役其家阿蔣母子見而嗔忌遂誣李氏與陽進通姦氏弟李大貴情激不忿具詞控縣康熙四十二年三月二十日彼此相遇縣前大貴聖四互相詬詈隨經族鄰勸散適雨

後地滑墜四失足閃跌爲撐柵欄之木扛撞損右後脇
繼因裂勒拖拽致傷右胸臑伊弟陽聖四扶起行至李
元十家歇宿次日猶能步行回家及至四月初二日復
行至城迨初四日染患時疫初九日身故阿蔣與男大
昌遂以人命具控該縣審明病死情真具詳該府飭駁
通報及該縣審供詳解而阿蔣母子恐賄誣告之罪改
供打創在地親朋處銀和息証佐諸人隨口游移致該
署府以驗傷未真口供互異呈司轉詳經臣批委長沙
縣知縣王克莊前往檢驗並無一傷復據會同善化縣

知縣沈宗演遂加研訊始據各犯供實係疫癘身死
並非打倒在地受傷致死及訊其議銀講和之人盡屬
虛誣歷審各犯供認不諱陽阿蔣應照婦人有犯罪坐
夫男陽大昌合依誣告人死罪未決者律杖一百流三
千里於配所加徒役三年餘審無干相應免議查阿蔣
年已七十九歲所生三子已死其二僅存大昌一子與
存養之律相符今阿蔣係有罪之親未便援律存養但
阿蔣之罪已坐伊男可否邀原聽候部議再照此案先
因該府縣均未審確業將遲延職名 趙叅部覆議處

在案今陽聖四實係病死常寧縣知縣吳祥生並無隱
諱命案之處原署府事同知盧承德因據屍親攻供雖
未審出真情但因傷証未確以致詳請委員檢審原未
定案亦非承審舛錯合併聲明茲據按察使董廷恩招
解前來臣覆查無異理合具 題伏乞

皇上睿鑒勅部議覆施行

刑部議 陽大昌杖流加役大昌已擬誣告之罪蔣
氏誣告之處應毋庸議再該撫雖稱蔣氏年逾七十
三子已死其二僅存大昌與存養之例相符但蔣氏

係有罪之人不便援例存養據此應毋庸議奉
旨知道了

題九谿協叅革千總謝載祚等私放橫船情罪

疏 四十二年九月

爲詳據玩法劣弁以肅營伍事該臣看得九谿協叅革
千總謝載祚私放橫船一案先經督臣喻成龍會疏題
叅奉

旨勅臣審擬具奏臣即檄行按察司審擬招解前來臣
查謝載祚原任九谿協千總委署本協中軍守備事嗣
該協副將韓永傑隨師勦撫紅苗協營事務俱屬載祚
管理某年月日有許家洲坐塘傳號馮朝玉管隊李舉

盤獲私販鹽元昇李長升礮船二隻李舉朝王先後稟
報到營載祚亦轉報該協乃因元昇再四哀求載祚念
係舊識遂爾徇情縱放又慮前途盤查役審差營隊李
舉兵丁鄧士奇假以押解慈利縣爲名并致書於防汛
把總曹文明囑其互相隱諱文明訊知礮船已經去遠
時因暮夜山溪追捕難前隨取李舉并結追該協回營
文明即將并結手書一併首報歷審供認不諱謝載祚
雖審無受賄賣放情弊但護理營務徇情玩法合改依
該官司知而故縱者與犯人同罪查私放硫礮雖未出

境而知情故縱律無異擬該司擬以不應殊屬未協相
應改正盧元昇所犯係蒲杖謝載祚應杖一百已於本
案革職照例折贖盧元昇李長升合依條例內私自賣
硫磺五十斤以上者問罪磺入官照違例各杖一百折
責四十板原稟報硫磺四十石當係約計之數未經盤
查今據供實止三千三十斤每石價值一兩共銀三十
兩二錢應於二犯名下照追入官李舉知情不行稟阻
合依不應重律杖八十折責三十板革伍把總曹文明
已經首報應毋庸議馮朝玉鄧士奇審不知情均應省

釋至盧元昇等所販硫磺據供於白石溪附近居民零星以米易換並非私行開採其裝磺船戶及買賣硫磺之人俱不知姓名應請一并免議臣謹具 題伏乞
皇上睿鑒施行

題叅岳州衛徐備疏 四十二年十月

爲特叅衛弁重耗重法仰祈

睿鑒以旌軍因事竊照衛弁經管錢糧既有催科之責
自應潔已奉公度使軍無苦累臣凜遵力戒加耗之

上諭不特州縣有司嚴行戒飭併令各衛弁刊立

諭碑恪謹奉行乃有岳州衛守備徐某徵收屯糧重
加火耗每石屯糧額銀一錢六分該弁多收至六錢五
分七錢不等且敢擅用重法徵收以致軍旂騰怨臣訪
聞既確隨將調到該衛法馬飭發布政司與部頒司法

相較據該司詳稱岳州衛法馬五十兩重二兩三十兩
重一兩一錢二十兩重九錢其餘每兩各重四分不等
似此重耗重法股削窮丁誠爲功令所不容但查驗
該衛法馬現刻都使司較同字樣相應一併聲明請

旨將徐某革職并庫吏字識一同質審究擬以懲貪
弁而市衛可避重困矣移咨督臣喻成龍會疏題叅未准
咨覆間於十月初八日據都使司郭某詳爲衛弁貪
婪不職謹據實揭報亟請題叅以彰功令以甦軍
困事等因到臣臣查衛弁係都司專管之官守備徐某

徵收屯糧既多加火耗私用重法郭某並不先行
揭報乃至移會 題叅十日之後始行具詳查定例內
如督撫察出後雖行具揭俱不准相應一併糾叅臣謹
會疏 題叅伏乞

皇上睿鑒施行

奉

旨這所叅徐某着革了職其貪婪事情併本內有名蠲
役該督嚴提質審究擬具奏郭某着議處具奏

題張相明殺死女婿吳從相招罪疏 四十三年十

月

爲奪妻害命事該臣看得張相明與被殺身死之吳從相係翁婿至戚緣相明曾以已田付從相佃耕從相有欠租藏牛之隙相明逼索指摘以致兩相嫌怨從相遂退出不耕將妻送至相明之家出外貿易竟揚言欲殺相明有張四仍佃耕從相退還之田併住從相西邊之屋是從相送妻在前而張四佃耕在後其張氏與張四並未謀面上年十月二十四日從相外歸相明偶遇遂

約來家意欲與論伺晚未至相明卽於是夜半更携帶
防身短鎗前往從相舊居適張四他出從相正在獨酌
遂爾同飲論及前事從相言語不遜輒敢尋刀砍殺相
明見勢兇惡持鎗趨避詎從相辨刀未獲又搶奪其鎗
相明頓起殺機隨用鎗連刺從相胸膛右肋登時畢命
相明正欲剥衣棄屍滅跡忽張四歸家撞見相明跪求
隱諱始以田租許給繼以扳扯恐嚇張四允諾相明卽
用繩索搭包紮其手足繫其腰頸同張四扛擡投諸堰
塘已經數月自謂形跡已滅豈期天網不漏忽屍浮水

面有尋牛之耳憲臣見而告之屍弟吳從聖往視果係
兄屍隨令在山塋墳之耳天瑞同行撈出疑爲張四與
屍婦張氏通姦謀殺遂以奪妻害命控縣歷經研審不
特各犯堅供烏有卽從聖亦無指實而相明亦自認前
情不諱張相明除棄屍輕罪不議外合依外姻尊長毆
總麻卑幼至死者故殺亦絞律應擬絞監候秋後處決
張四除棄屍爲從輕罪不議外合依知人謀殺他人之後
不首告者律應杖一百張氏審屬無辜應省釋臣謹具
題伏乞

皇上睿鑒勅下三法司核擬施行

奉

旨張相明依擬應斬着監候秋後處決餘依議

題萬祥雲毆死陳起南招罪疏

萬十三年十一月

爲報明事該臣看得萬祥雲與彼毆身死之陳起南素
無仇隙祇緣陸士明黃成金陳發才三人同看龍舟路
經張華門首適華他出因係客居遂推門入室偶兄桌
上紙牌卽賭酒共飲起南酒醉後至亦從場共賭而祥
雲遂爾旁觀無何起南輸牌同成金借錢不允輒加詈
罵成金等見係酒醉發狂各自散去而祥雲見其嚷罵
不已好言相勸致觸其怒起南遂用板橈擊傷祥雲額
顙流血復自拾磁瓦割破額角圖賴又執竹槓同擊祥

雲祥雲情急即用左手格其損右手搭起南咽喉又以
脚踏腹結適張華回家勸散扶送起南歸家受傷深重
越日殞命歷審祥雲直認不諱萬祥雲合依凡鬪毆殺
人者不問手足他物金刃並絞律應擬絞監候秋後處
決黃成金陸士明陳發才合依不應重律杖八十張華
雖未同賭然家置紙牌亦屬不應重杖允宜查定例內
賭飲食等物著地方官得免處分但續奉部文紙牌散
子俱限一月銷燬今陸士明等所聞紙牌現在則該管
官不行查禁亦照不拿賭博定例治罪所有善化縣知

縣沈宗演職名相應附叅臣謹具 題伏乞

皇上睿鑒勅下三法司核擬施行

奉

旨萬祥雲依擬應絞着監候秋後處決餘依議

題盜犯鄧仕標招罪疏

四十三年十一月

爲報明事該臣看得祁陽縣居民陳時所家被盜一案
緣盜首鄧仕標探知時所賣穀有銀遂與龍晚商謀行
某年月日仕標令伊子鄧易勲糾合已獲夥盜鄧三元
王狗仔鄧國華龔弼蔣一弘吳四劉應昌鄧三仕尚名
楊蔣一彩并未獲逸盜張雲仔共一十四人於某日齊
聚仕標之家下午起身各砍取柴棍一更時潛匿時所
空房伺至二更用灰塗面三仕等在外把風仕標等各
盜打門入室龍晚細縛事主易勲用棍擊傷時所并陳

君德各盜搜劫衣服銀錢等物仍至仕標家中俵分面散失主具報該縣隨即陸續緝獲各盜歷審上盜情形匪夥確數供吐如一鄧仕標龍晚鄧易勳鄧三元王狗仔鄧國華龔弼蔣一弘吳四尚名揚蔣一彩劉應昌鄧三仕俱合依強盜已行得財者不分首從皆斬律均應擬斬立決逸盜張雲仔嚴緝獲日另結已獲贓物經主認領未獲花費銀錢衣物應查各盜家產變賠茲據按察使某招解前來臣覆查無異理合具題再照案內劉應昌年十九歲鄧三仕年十七歲原未謀約爲盜或

討盤銀或挑穀子適到鄧仕標家一時無知誤從匪類
致罹大辟又七十五歲之吳四異鄉乞食率入盜黨論
法原無可貰原情似有可矜惟候

聖裁臣謹具 題伏乞

皇上睿鑒勅下三法司核擬施行

奉

旨鄧仕標龍晚鄧易勲俱着卽處斬鄧三元王狗仔鄧
國華龔弼蔣一弘尚名揚蔣一彩劉應昌鄧三仕俱
從寬免死照例發與黑龍江將軍酌量撥給務期嚴

押解到餘依議

恭善化縣故縱柳七等行兇疏 四十三年十一月

爲嚴查縱棍殃民以靖地方事該臣看得陳四柳八籍隸京城一係取債一係貿易同寓長沙府城內善化縣屬張天祿家於康熙四十三年七月二十三日暮夜酗酒行兇毆打杜阿余杜良勝并將杜氏強拉行姦次日阿余母子赴臣署喊控被善化縣阻回並不究訊姦毆各情由止將柳八陳四驅逐草率完結經臣訪問隨行司究擬詳解到臣臣查陳四柳八以外來遊棍潛住禁城黑夜登孤寡之門逞酒行兇毆辱無忌不法已極至

陳四囚長沙府知府姜某借伊主候選縣丞王益銀一
千兩遵主命執券索逋契上保人茶店香店酒店之姓
名鑒鑒再據而姜某故諉之王某但陳四供伊主王
益甚明且果向翰林借債何無一仕宦居間而作保者
盡係茶坊酒肆市井無賴之徒則債主之非王某更
無可疑查律開聽選官員借債與債主及保人同赴任
所取債至五十兩以上者借者革職債主及保人各枷
號一個月發落債追入官今姜某於康熙四十年八月
內舉陞長沙府知府而借債於四十年十一月殊干律

例除行按察司照例追銀入官外其債主王益保人馬
晉三胥茂公姜子振皆在京城相應將陳四併借契解
送刑部提審定擬知照遵行柳八重加懲創取保押逐
至長沙府知府姜某遣例借債縱容債主家人各任任
所生事擾民有干

功令善化縣知縣沈某故客外棍久住禁城行兇生事
及至發覺徇隱不究實忝職守相應據實題參仰祈
皇上勅部嚴加議處以肅官箴再姜某借債事在
赦前而索借行兇縱棍殃民實在

赦後應否援宥統候部議臣謹具題伏乞

皇上睿鑒施行

叅湘潭署令楊某貪劣疏 四十三年十一月

爲特劾貪劣署令以澄吏治事竊惟民生之休戚視乎
吏治之貪廉吏治苟不可問民生何由得安臣以一介
庸材叨荷

皇上高厚隆恩濫膺重任上年叩辭 行在蒙

皇上親灑

宸翰賜以

御書綏輯撫安四字臣謹隨摹勒石恭立署中朝夕瞻
仰觸目警心如覩

天顏如聆

天語惟恐一日民生不安重負

皇上訓飭微臣至意是以告誡屬員期於潔已愛民毋得營私黷貨不意猶有恣肆貪婪罔知法紀如署湘潭縣事醴陵縣知縣楊某者見事生風索詐無忌通邑怨憤輿論沸騰據司道各報前來切諭

聖世不容有此貪官卽臣屬亦不應有此敗檢臣既愧約束之無術又何敢隱庇而稍寬所當特疏糾叅伏乞皇上將楊某等革職與有名各犯一併提問究擬以澄

吏治而民生得安矣查長沙府知府姜某並未揭報令
併聲明

奉

旨道所叅楊某熊某徐某俱着革了職其貪婪各款并
本內有名人犯該督嚴提究擬具奏該部知道

補行四十二年 大計卓異疏 四十二年十一月
爲題明事竊惟三年黜陟乃

國家考績之 大典我

皇上聖明在御其於吏治之賢不肖固已無遠弗照而
又以臣等身在地方令其分別舉劾以候

乾所伏念臣迂劣庸才謬膺重任每思澄澈吏治其佐
昇平以無負

聖主委任至意苟勸懲一有不當則賢者無以勉於職
業而不肖者亦有所希俾而不惜以身姑試於法是臣

之所大懼也但人才難得人心更難知臣詳加體訪確
有見聞除不職各官另具本奏 奏及平常蓄任者遵
例不開其操履廉潔才具優長政蹟昭著與諭允乎堪
膺卓異之選者臣不敢壅於

上聞有昧以人事

君之義茲據布政使董昭祚等開報衛永柳道張仕可
等四員前來合臣所見聞無異謹將各官事實臚列爲
我

皇上陳之 計開 卓異官四員 分守衛永柳道張

仕可事實 一本官嚴飭所屬徵收錢糧俱令花戶自
封投櫃力減火耗盡革私派至審理詞訟皆秉公斷理
從無賄貨濫罰股刑等弊 一本官每逢朔望親詣公
所講解

上諭勸導士民興行教化 一本官設立義學集士子
講書其中捐貲膏火躬率課藝仍躬誦

御製訓飭士子文盡心講解士風文教一時事興

一本官奉委赴鎮阜軍前供應 欽差勦撫紅苗大兵
糧餉等項勤謹督辦並無遲滯亦無擾民 一本官所

屬界連苗徭嚴飭地方官力行保甲稽查匪類開導相
循以故民徭和輯相安無擾 常德府龍陽縣知縣鍾
靈秀事實 一本官廉潔自矢徵收錢糧力減耗羨令
糧戶自封投櫃並無加派 一本官實心奉行

上諭十六條朔望親率士民講解興行教化 一本官
賦性慈祥示諭小民息訟樂業且用法平允並無黷貨
罰贖酷刑 一本官經徵錢糧俱已解支全完並無虧
空 一本官委署寧鄉縣印清查米儒張南軒墓田十
畝歸之學宮以供祭祀 一本官委署寧鄉縣印耗羨

裁減聽斷明允訓士敦品力行教民力農務本節事之
日士民愛戴無已 衡州府藍山縣知縣楊宗仁事實
一本官清操自勵徵收錢糧聽民自封投櫃並無加派
重耗雜差花戶有依限完納者卽揭給花紅獎賞故士
民鼓舞爭先樂輸 一本官調任以來徧諭鄉城各立
約所每逢朔望日聚集士庶宣講

聖諭勸勉嚮善教化興行 一本官准理詞訟凡戶婚
田土閭閻細事俱令親鄰從公處息間有准理者立即
秉公審明發落從無贖貨濫罰股削酷刑民皆悅服

一本官經徵歷年併康熙四十三年一切起存地丁正
雜錢糧俱已解支全完並無虧空 一藍邑處萬山之
中民獫接壤本官力行保甲責捕官巡查嚴禁擾累仍
不時親點以故民獫和睦盜私敗絕跡 一藍邑山
多田少居民力食維艱凡有池塘壩堰水利所關本官
每當收穫之暇親行阡陌相度高下捐給花紅酒漿勸
諭及時脩築灌溉有賴 一本官於康熙四十一年五
月內因霪雨城垣多有傾圯即捐脩灰石工價脩葺並
不派取里民卽日用薪米之類俱發現銀平買從不歸

短行戶 一本官委署衡陽縣印務催科有方詳革卑
頭陋弊不擾民間而輸將自裕 寶慶府武岡州儒學
訓導鄭昂事實 一本官每逢朔望宣講

上諭必敬必戒士民感化 一本官勤於訓迪欽遵

御製訓飭士子文集諸生講解課文伎藝十年不輟更
刊布學規飭士子敦倫立品並無踰閑之士 一本官
於康熙三十九年六月因學官被風傾圮即竭力捐俸
脩葺募闔州紳衿捐修廟貌重新 一本官賦性廉潔
士子修脯以及各項陋規係行革除貧寒之士除賑給

學租外復捐膏火 一本官性其淡薄凡日用薪米之類俱發現價照市平買從不賒欠短少 此四員者清潔砥操才猷出衆勤董率而大法小廉興教化而風淳俗美華沿習之弊規則凜遵

諭旨勵官方之職業則廢政修明間闕既樂雍熙士子胥臻絃誦實湖南之翹楚洵賢聲之茂著所當特爲薦舉遵照 新例令其隨本引 見以候

聖裁者也又有長沙府同知馬世承才幹既優任事克敏辦理軍供著有勞績常應同知劉兆麟寧靜不擾

勤敏可觀支放軍需殫心不悞寶慶府同知王組廉隅
自飭奉法惟謹攝郡供軍更徵勞勩以上三員洵佐郡
之表表者臣廉訪得實併據該司道府詳報相符所當
附列薦揚用昭鼓勵臣謹具 題伏乞
皇上睿鑒勅下部院議覆施行

奉

旨依議張仕可鍾靈秀楊宗仁俱着准爲卓異喻成龍
等俱從寬罰俸

題苗邊定例九款疏 四十三年十一月

爲欽奉

上諭事該臣等看得楚分南北地稱曠渺而田賦無多
蓋汎多大山巨浸兼之西南一帶接壤川黔粵西千有
餘里皆大小各土司環居田地無出產難設流官難責
貢賦然土司之官世襲給印民性雖有約束惟鎮箠紅
苗種類甚繁僻處萬山荒野地實不毛不耕不賦性則
悍愚素慣攘竊自古不通聲教我

朝中外一統薄海同風不忍棄置異視聽其行爲不恣

自治官書

卷二 奏疏

題苗邊九款

文

懷策堂

自蹈鋒刃乃蒙我

皇上特遣大臣統師歷境 恩威並用以服其心苗卽
感畏傾心歸誠者三百一寨計戶口四千五百二十三
戶成丁八千四百四十八丁今每丁願輸納雜糧二升
共納糧一百六十八石九斗六升又先經大兵臨巢之
際內有毛都塘馬鞍山等寨逃匿窮巖經辰沅靖道移
駐之後俱各悔罪輸誠披剃入冊共計一十二寨二百
四十戶成丁三百六十九丁共納糧七石三斗八升俱
應於康熙四十四年起徵但紅苗既已歸誠編戶納糧

與民一體茲當初入版圖之時而善後事宜自當斟酌
方可垂之永久臣等謹詳議九款合詞具 題伏乞
皇上睿鑒施行

苗邊文武事權宜專也從前紅苗土民俱係協鎮僉立
哨長分管悉聽營將管理今既移設道署員分地駐
劄地方事應聽同知通判備管辰沅靖道統轄以備責
成其武職應遵定例止令約束兵丁防汛巡查不許干
預地方事宜如或有苗人自相穴鬪亦聽文員移會酌
發兵弁巡查彈壓

戶部議 應如該督撫等所題苗地一切事務俱聽
新設同知通判分地管理以辰沅靖道統轄令武弁
約束兵丁巡查汛地或有苗人鬪爭事發文員移會
撥兵弁巡查

一苗民盜竊等案及搶奪殺傷等事俱應照內地州縣
命盜案件之例具題也查從前苗土命盜等罪律未
明而蠢苗搶奪殺傷視爲泛常今紅苗旣已歸誠披剃
納糧與民無異嗣後有犯情罪重大者應照常例詳報
發審具題按照律例從重究擬仍先明白諭知使苗畏

法不敢輕犯至苗有冤抑之事亦許赴道廳控告審理
卽爲伸雪則命盜杜而民怨釋矣

部議 嗣後除苗有犯輕罪者仍聽土官自行發落
外若有犯殺死人命強盜擄掠人口搶奪財物及捉
人勒贖等情許被害之苗赴道廳衙門控告責令土
官將犯罪之苗查拿解送道廳衙門照律從重治罪
如土官將犯罪之人藏匿不卽行解送者將土官照
例嚴加議處行令該督明白諭知以文到之日爲始
定限三個月遵行

一紅苗捉人勒贖之例宜嚴也苗性貪頑素慣捉人勒贖以致滋擾邇民今苗與民一體應遵

王化不許仍前伏草捉人枷肘在巢勒銀贖取如敢不遵請照強盜之律不分首從擬斬治邇土哨奸民勾通附和取利者卽照強盜窩戶之律治罪庶民苗知法自畏犯也

部議 查紅苗素常捉人勒銀取贖昔因先不仰定有治罪之條其該管官平日亦不嚴行約束所致嗣後如有仍前伏草捉人枷肘在巢勒銀取贖者令土

官將犯罪之苗解送道廳衙門審理如初次有犯將
爲首者擬斬監候爲從之人俱枷號三個月責四十
板臂膊刺字如再次者不分首從皆斬立決內有初
次犯罪者仍分別首從擬罪共有土哨奸民勾通附
和取利者審實造意爲首不分初次再犯擬斬立決
若非造意止通同附和希圖取利者各枷號兩個月
責四十板僉妻發遣外爲民其該管土官雖不知情
但平日不嚴行約束有一起者將土知府知州罰俸
三個月百戶寨長各罰俸六個月有一起者將土知

府知州罰俸半年百戶寨長各罰俸一年有三起者將土知府知州罰俸一年百戶寨長俱革職若該管官知情不行禁止者俱革職不准折贖責四十板若係教令或通同取利者革職不准折贖枷號三個月應令該督先行明白曉諭以文到之日爲始定限三個月後遵行

一土官之責成宜專也鎮草院設同知通判專督苗務其五寨司土官土民應聽該廳統轄遇有逃盜等事將官員一併處分俾土官無岐視抗違之虞矣

部議 應將五寨司土官土民令廳員備管如地方有逃盜之事者照例將土官一併處分

一添設廳員之關防宜給也查府城同知通判無請給關防之例因其無錢糧盜案之需責今紅苗歸誠其該廳分駐乾州鳳凰營要地非同城可比且經徵錢糧升合亦關考成凡有盜竊人命搶奪殺傷之事永審招詳皆有定限應請頒給關防以速郵遞而昭信守至於奉文於楚省現任巡檢吏目等各撥一員交與同知通判令其巡查但各州縣吏目巡檢皆有巡捕之責難以缺

具查湖南現有奉裁未經離任巡檢可以掾往今議以
長沙縣喬口鎮巡檢李光祖調赴乾州同知員下善化
縣募雲市巡檢宋純儒調赴鳳凰營通判員下井請鑄
給乾州鳳凰營各巡檢印信俟准鑄新印到日將舊印
繳銷俾得各備責成

部議 應准鑄給同知通判關防其鑄給關防字樣
俟該督等擬定到日移咨禮部鑄給又巡檢如該督
撫所題補授其印信交與禮部鑄給

新設移駐各員應照邊俸以示鼓勵也查楚省民苗

雜處之州縣官員經前任郭總督條奏部覆准其調補
并照四川貴州邊俸之例陞遷在案今鎮寧一隅環伺
苗巢移駐之道員添設之同知通判巡檢俱該駐劄苗
地又與川黔接壤自應照邊俸陞遷遺缺一例調補

部議 查具題內稱鎮寧環伺苗巢移駐之道員添
設之同知通判巡檢俱皆駐劄苗地又與川黔接壤
等語應將鎮寧等處移駐之道員同知通判巡檢等
照黔蜀等省邊俸之例陞用伊等缺出將湖南省品
級相當熟悉風土兼能之員令該督撫會同保題調

補

一新設移駐各官之解舍宜置也辰沅道移駐寧城所
需解舍應將五寨司土官衙門騰出以作道員衙署并
動支各官捐建銀兩量加派修給該道駐劄其同知通
判巡檢各解舍將本院從前發下捐銀暨各官公捐銀
兩酌量分給建造以定規模

部議 新設各官解舍應如該督撫所題酌量建造
仍將建過解舍房間數目報部

一土司之士子宜訓苗民子弟宜設義學教育也在五

寨司洞民哨民俱應統歸文職管理至於五寨司生員
雖舊屬辰州府儒學兼轄但五寨司距府三百餘里生
員遇有過犯司鐸之官遠難飭懲今議以附近之麻陽
縣儒學訓導移駐五寨司就近訓迪士子戒飭頑劣并
請鑄給麻陽縣訓導學記以便生童應考一切冊結可
以鈐蓋照例資報庶事件不致遲延而子衿得司鐸之
訓迪亦可免桃達之風再苗民子弟不使學習詩書終
必野性難馴義禮不明應於乾州五寨司等處設立義
學數區苗人子弟有志就學者聽赴肄業每年師儒館

穀議於通省文武公捐俟學習既久教化有成准附五
寨司學應試將見愚頑之習化爲禮義之民矣

部議 應如該撫所請將麻陽儒學訓導移駐五寨
司其設立義學應聽該撫酌量設立俟教化有成准
附五寨司應試共入學名數該督撫酌量人數多寡
具題到日再議至請鑄學記俟該督撫擬定字樣報
部移咨禮部鑄給

一接壤之邊界宜息也是黔接壤之區苗寨相連同有
冤家仇敵動輒操戈殺掠彼此拿人構釁不止今既各

省設立廳員嗣後黔楚相接之苗再有越境操戈彼此
拿人構讐者兩廳移明會審發落卽以白晝搶奪律治
罪被拿之人勒令退還如殺傷人命依人命論如百戶
寨長知情不行禁止以通同治罪

部議 嗣後如兩省相接之苗有冤抑之事令其赴
兩廳控告兩廳會同土官審明發落如有仍前殺搶
者令土官將犯罪之苗嚴行查拏解赴兩廳審理明
確俱照白晝搶奪律治罪免其刺字但苗人不便擬
以流徒應照旗下人枷號杖責若聚衆不及五十人

亦無殺死人命止傷不死者將爲首之人枷號兩個月責四十板爲從者各枷號一個月責三十板如有殺死人命者將爲首之人擬斬監候秋後處決下手之人各枷號三個月責四十板其餘爲從者各枷號四十日責四十板若聚衆至五十人者雖無殺死人命將爲首之人擬斬監候爲從者各枷號五十日責四十板如有殺死人命者將爲首之人擬斬立決下手之人俱擬絞監候其餘爲從者各枷號兩個月責四十板若聚衆至百人者雖無殺死人命將爲首之

人擬斬立決爲從者各枷號兩個月責四十板如有
殺死人命者爲首之人擬斬立決梟示下手之人俱
擬斬監候其餘爲從者各枷號兩個月責四十板其
所搶人畜等物俱勒令給還原主其該管各官雖不
知情但平日不嚴行約束以致衆苗互相構釁若聚
衆不及五十人者將土知府知州罰俸三個月百戶
寨長各罰俸六個月若聚衆至五十人者將土知府
知州罰俸半年百戶寨長各罰俸一年若聚衆至百
人者將土知府知州罰俸一年百戶寨長俱革職若

聚衆至百人以上者將土知府知州革職百戶寨長
革職不准折贖責四十板如係知情不行禁止將知
情之該管官革職不准折贖枷號一個月責四十板
若係教令或通同商謀希圖均分財物者均照爲首
之犯一體治罪行令該督撫明白諭知以文到之日
爲始定限三個月遵行至於先經招撫之三百一寨
井後歸誠之一十二寨計戶口四千七百二十三戶
成丁八千八百一十七丁應納秋糧一百七十六石
三斗四升該督撫既稱於十四年起科應如所

題將所收糧石造入該年奏銷冊內報明戶部查核
可也康熙四十三年十二月十五日題本月二十日
奉

旨依議

題平定朔漢碑成疏

四十二年十二月

爲

御製平定朔漢碑文勒石告成謹捐墨本進呈

屏覽事欽惟我

皇上聖德神功函天蓋地臨御以來無日不以奠安

海內休養民生爲念是以聲教訖於荒陬車書同於絕

域乃厄魯特喀爾丹蠢爾無知怙終爲惡

皇上軫念遐陲特加

天討三路犄角

萬乘親臨百神效靈六師用命崇朝大捷朔漢永清奏
凱而還獻馘太學爰 允廷臣之請

御製告成之文勒豐碑於學宮頒搨本於直省臣接准
部咨頒發恭捧跪誦仰見我

皇上討罪安民原非得已 宏謨遠畧動出萬全煌煌
天語昭大德之好生赫赫銘辭寓崇儒之至意誠史冊
所未見而臣民所共慶者也臣卽恭照繕錄判刻頒示
闔屬文武軍民咸知

聖天子治定功成中外一統

宸章睿藻輝映萬年踴躍爭觀歡呼贊頌理合恭疏

題明伏乞

皇上睿鑒施行

卷之三

趙恭毅公自治官書卷之三目次

長沙何祖柱蒐輯

奏疏

謝賜古文淵鑑疏

題麻惠先等誣告陳維邦打死李氏招罪疏

題李運先等搶奪劉繼三疏

題叅署州王令等私挖鉛礦疏

題李若桐殺死楊正邦等二命疏

題捕役秦榮卿等誣民爲盜招罪疏

覆部查取捏稱彭珍石家無次丁各官職名疏

代郎臬司謝 欽賜世貞堂匾額疏

謝召試孫侗敦疏

題陳氏誣指劉邦興爲盜招罪疏

再題請補本標戰馬疏

大計違例薦舉寬免罰俸謝 恩疏

謝胞弟趙中季補授編修疏

題段子茂毆死拒捕竊賊羅德疏

夏純伯殺死黃啟祥疏

報赴獄告土圄署日期疏

代岳常道武副使謝陞浙江臬司疏

題譚天如毆死無服族人譚爾祿招

請湖廣鄉試南北分卷疏

題報會審操兵疏

叅醫緩寧靖州李牧劣靖疏

題叅監生熊某疏

報赴嶽上樑回署疏

題謝安邦毆死繼父罪案疏

平清二衛屯糧請照則徵銀疏

謝蠲免四十五年錢糧疏

題蘓大用拐賣江裕先家僕照新例擬罪疏

題覆部駁馮允祥毆死蕭君奇疏

題劉招鳳毆死胞兄劉子善留養疏

題江陳秀誣告孫三保打死父命擬罪收贖疏

題秦子富謀死戴起隆招罪疏

叅原任荆同知王侃供吐游移請革知府職銜

審疏

題鍾老滿等行刦余若所家疏

請免人犯長解疏

題盜犯顏公仁等行刦陳嘉先疏

特叅永興縣王令濫派疏

題熊某張某等誣告唆訟招罪疏

題袁新寰挖墳開棺盜布疏

題袁昆毆死小功服叔袁敬先擬斬監候疏

題曹鼎昌等打死姚之禧等招罪疏

題李正瑞打死李芳珠招罪疏

題明臺臣蔡某指叅世好固結疏

叅長沙協宋脩搬運王倉山石疏

題叅善化縣違例處斬盜犯黃啟祥監斬官職名疏

題趙靖七摺死劉慶保招罪疏

題李鳳生毆死胞兄李茂生援例免死疏

題竊盜周德祥等拒捕殺死唐文通招罪疏

四十五年 大計卓異疏

四十五年 大計八法各疏

謝蠲免四十三年以前未完錢糧疏